

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
Gradonačelnik

Broj:01/2-04-89-547/21.
Živinice, 17.05.2021. godine

Na osnovu člana 38. Statuta Grada Živinice („Službeni glasnik Grada Živinice“, broj: 5/19), tačke IX. Odluke o stipendijama učenika srednjih škola i studenata dodiplomskog studija koje se dodjeljuju iz Budžeta općine Živinice („Službeni glasnik općine Živinice“, broj:2/18), Gradonačelnik raspisuje

K O N K U R S
za dodjelu stipendija redovnim studentima dodiplomskog studija
za akademsku 2020/21 godinu

I

U akademskoj 2020/21 godini **odijeliti će se 60 (šezdeset) stipendija studentima dodiplomskog studija**, ili 60% od ukupno raspoloživih finansijskih sredstava u Budžetu Grada Živinice za 2021.godinu, za ove namjene.

Stipendije se dodjeljuju studentima dodiplomskog studija u mjesečnom iznosu od 100,00 KM, odnosno 1.000,00 KM za navedenu akademsku godinu.

II

Lista dobitnika stipendija utvrđuje se prema sljedećem omjeru:

- I godina 37 % od ukupnog broja korisnika - 22 stipendija;
- II godina 28 % od ukupnog broja korisnika - 17 stipendija;
- III godina 20 % od ukupnog broja korisnika - 12 stipendija;
- IV,V,VI godina 15 % od ukupnog broja korisnika- 9 stipendija.

III

Uslovi za dodjelu stipendija studentima su:

- da ima mjesto prebivališta na području grada Živinice,
- da je akademskoj 2020/2021 godini prvi put upisana odgovarajuća godinu studija i da ima status redovnog studenta,
- da ne prima stipendiju, kredit ili nagradu od drugog davaoca ili po drugom osnovu.

IV

Lista dobitnika stipendije za kandidate koji ispunjavaju uslove iz tačke III utvrđuje se na osnovu kriterija:

1. Uspjeh u učenju u prethodnoj godinido 25 bodova;
2. Materijalni položaj do 45 bodova;
3. Socijalni položaj do 30 bodova.

V

Uz prijavu na konkurs za dodjelu stipendije kandidat prilaže sljedeće:

- dokaz o mjestu prebivališta, (MUP TK-a administrativno odjeljenje Živinice)
- uvjerenje da je student prvi put upisao akademsku 2021/21.godinu, te da ima status redovnog studenta, (visokoškolska obrazovna ustanova)

- potpisanu i ovjerena izjava od nadležnog organa da student ne prima stipendiju, kredit ili nagradu od drugog davaoca, (nadležna gradska služba / notar)

VI

Za ispunjavanje uslova iz tačke IV potrebno je priložiti sljedeće:

1. Za kriterij „učenik generacije“ za srednje škole bez bodovanja

- studenti I godine dodiplomskog studija, priložu diplomu „Učenik generacije“

Za kriterij „uspjeh u učenju“ priložiti:

- studenti I godine dodiplomskog studija prilažu uvjerenje sa utvrđenim prosjekom ocjena iz prethodnih razreda srednje škole od (I-IV) razreda,
- studenti druge i ostalih godina studija prilažu uvjerenje sa utvrđenim prosjekom ocjena u prethodnoj završenoj akademskoj godini studija.

Za kriterij „materijalni položaj“ priložiti:

- kućna lista studenta ovjerena od nadležnog organa, u kojoj su navedeni svi članovi porodičnog domaćinstva (gradska služba / notar),
- uvjerenje o redovnom školovanju za sve članove porodičnog domaćinstva koji su navedeni u kućnoj listi da se nalaze na redovnom školovanju (obrazovne ustanove),
- uvjerenje JU „Služba za zapošljavanje Tuzlanskog kantona”, Biro Živinice, za sve nezaposlene članove porodičnog domaćinstva, a ukoliko se isti ne vode na evidenciji Biroa za zapošljavanje potrebno je kao dokaz da su članovi domaćinstva nezaposleni dostaviti uvjerenje Porezne uprave FBiH, Porezna ispostava Živinice,
- uvjerenje da je student iz porodice korisnika socijalne zaštite, odnosno da se nalazi u stanju socijalne potrebe (JU „Centar za socijalni rad”, Živinice),
- za punoljetne članove porodičnog domaćinstva potrebno je dostaviti dokaz o prihodima članova domaćinstva:
 - za zaposlene punoljetne članove domaćinstva, platne liste za tri zadnje isplaćene plaće,
 - za penzionere, ček od penzije,
 - za punoljetne članove domaćinstva koji imaju registrovanu samostalnu djelatnost obrazac 2002 o plaćenim doprinosima za posljednja tri mjeseca GPD i SPR obrazci u ovisnosti od vrste djelatnosti (Poslodavac, PIO Porezna uprava FBiH, Porezna ispostava Živinice),
 - uvjerenje za punoljetnog učenika i punoljetne članove domaćinstva o dodatnim prihodima (Porezna uprava FBiH, Porezna ispostava Živinice).

Za kriterij „socijalni položaj“ priložiti:

- za studenta bez roditeljskog staranja, rješenje JU Centra za socijalni rad;
- za studenta člana porodice šehida i poginulih boraca zadnje rješenje prvostepenog organa ili reviziono rješenje o utvrđivanju prava po osnovu člana porodica šehida i porodica poginulog borca (nadležna gradska služba/ ministarstvo),
- za studenta člana porodice RVI – rješenje o utvrđivanju prava na mjesečni novčani dodatak po osnovu člana porodice RVI, (nadležna gradska služba),
- za studenta članova porodice civilne žrtve rata, dokaz o statusu civilne žrtve rata, (JU Centara za socijalni rad),
- za studenta člana porodice demobilisanih boraca, uvjerenje o pripadnosti oružanim snagama BiH (Grupa za pitanja evidencije iz oblasti vojne obaveze),

VII

Kod ostvarenog istog broja bodova na Listi dobitnika stipendija prednost se ostvaruje po sljedećem redoslijedu:

1. student iz porodice šehida ili poginulog borca,
2. student bez roditeljskog staranja,
3. student iz porodice civilne žrtve rata,
4. student iz porodice RVI sa većim procentom invalidnosti pri čemu se uzima u obzir raspon invalidnosti od 60-100 %,
5. student iz porodice nezaposlenih demobilisanih boraca Armije BiH, HVO i MUP-a,
6. student sa većom prosječnom ocjenom u prethodnoj školskoj godini.

VIII

Konkurs ostaje otvoren 15 dana od dana objavljivanja na oglasnoj tabli i web stranici Grada Živinice.

Prijava na konkurs sa potrebnom dokumentacijom podnosi se u zatvorenoj kovrti putem pošte ili na pisarnicu gradske uprave na adresu: **Grad Živinice, Alije Izetbegovića 28, sa naznakom "Prijava na konkurs za dodjelu stipendija studentima za akademsku 2020/2021"**.

Obrazac prijave na konkurs i obrazac izjave da student ne prima stipendiju iz drugog izvora, može se preuzeti na Info pultu u Centra za pružanje usluga građanima / šalter sali i na web stranici Grada Živinice.

Studenti su dužni uz prijavu na konkurs priložiti i kopiju tekućeg računa na koji će se uplatiti finansijska sredstva, ukoliko budu dobitnici stipendija.

Dokumenti koji se prilažu uz prijavu na konkurs moraju biti ovjerene kopije ili originali.

Nepotpune i neblagovremene prijave neće se uzeti u razmatranje.

Dostavljeno:

1. Oglasna tabla Grada Živinice,
2. TV Živinice,
3. Web stranica Grada Živinice,
4. a/a

Gradonačelnik

dr.sc. Samir Kamenjaković